

春秋左傳杜注

春秋左傳杜注卷第十二

華亭姚培謙

成公

名黑肱宣公子諡法安民立政曰成

經元年春王正月公即位

無傳

○二月辛酉葬我君

宣公

無傳

○無冰

無傳周二月今之十月而無冰書冬温

○三月作邱甲

周禮九夫爲井

四井爲一邑西邑爲邱邱十六井出戎馬一匹牛三頭四邱爲甸甸六十四井出長轂一乘戎馬四匹牛十二頭甲士三人步卒七十二人此甸所賦今魯使邱出之譏重斂故書○甸繩證反○古甸乘同也胡傳甸地方八里旁加一里爲成所取于民者出長轂一乘此司馬法一成之賦也唐太宗問李靖楚廣與周制如何靖曰周制一乘步卒七十二人甲士三人以二十五人爲一甲凡三甲共七十五人然則一邱所出十有八人積四邱而具一乘耳今作邱甲者卽邱出一甲是一甸之中共百人爲兵矣張氏洽曰每甲士統二十四人必無增甲士而不增步卒之理故知李靖所謂二十五人爲一甲者其考

周制詳矣李氏廉曰此條惟胡氏得之

○夏臧孫許及晉侯盟于赤棘

晉地 ○

秋王師敗績于茅戎

茅戎戎別種不言戰王者至尊天下莫之得校故以自敗為文不書敗地而書茅戎

明為茅戎所敗書秋從告。水經注大陽縣有茅亭故茅戎邑也。括地志茅戎在河北縣西二十里當在今山西平陽府平陸縣界

○冬

十月

傳元年春晉侯使瑕嘉平戎于王

平文十七年邠垂之役詹嘉處瑕故謂之瑕嘉

單襄公如晉拜成

單襄公王卿士謝晉為平戎

劉康公徼戎將遂伐

之康公王子季子也戎平還欲要其無備。徼古堯反。孔疏單使來平不足伐也欲伐其國耳以未平之日設備禦周今既平矣戎必無備要其無

備將遂

往伐之叔服曰背盟而欺大國此必敗

叔服周內史

背盟不

祥欺大國不義神人弗助將何以勝不聽遂伐茅

戎三月癸未敗績于徐吾氏

徐吾氏茅戎之別也。孔疏敗于徐吾之地也。茅戎已是我內

之別。徐吾又是茅戎之內聚落之名。王師與茅戎戰之處。

○爲齊難故作邱甲

前年魯乞師於楚欲以伐齊楚師不出故懼而作邱甲

○聞齊將出楚師夏盟于赤棘

與晉盟懼齊楚

○秋王人來告敗

解經所以秋乃書

○冬臧宣叔令修賦繕完

治完城郭

具守備曰齊楚結好

我新與晉盟晉楚爭盟齊師必至雖晉人伐齊楚

必救之是齊楚同我也

同共也

知難而有備乃可以逞

逞解也。爲二年齊侯伐我傳。難去聲。

經二年春齊侯伐我北鄙○夏四月丙戌衛孫良

夫帥師及齊師戰于新築衛師敗績

新築衛地皆陳曰戰大崩曰敗績四

月無丙戌丙戌五月一日○今直隸大名府魏縣南二十里有新築城

○六月癸酉季孫行父臧

孫許叔孫僑如公孫嬰齊帥師會晉郤克衛孫良

夫曹公子首及齊侯戰于鞏齊師敗績

魯乞師於晉而不以與謀之例

者從盟主之令上行於下非匹敵和成之類例在宣七年曹大夫常不書而書公子首者首命於國備於禮成為卿故也鞏齊地○郤去逆反鞏音

安○按志云鞏即古之歷下則穀梁去國五百里之說非歷下今歷城縣屬山東濟南府

○秋七月齊侯使國

佐如師己酉及國佐盟于袁婁

穀梁曰鞏去齊五百里去婁去齊五十里○張氏洽曰

臨淄縣西有袁婁今臨淄縣屬山東青州府

○八月壬午宋公鮑卒

未同盟而赴以名

○

庚寅衛侯速卒

宣十七年盟于斷道
據傳庚寅九月七日

○取汶陽田

晉使齊還魯故書取

不以好得故不言歸

○冬楚師鄭師侵衛

子重不書不親伐○胡傳二國稱師著其衆也

○十

有一月公會楚公子嬰齊于蜀

公與大夫會不貶嬰齊者時有許蔡之君故○吳氏澂曰

楚用子重之謀以拔齊為名加兵于魯衛魯納賂請平又約諸國會盟公先往會嬰齊不沒嬰齊之氏名者欲見其挾衆威魯而以臣仇君也季氏本曰成公以周公之裔諸侯之望下與楚大夫會辱已甚矣何以善其後哉

○丙申公及楚人秦人宋

人陳人衛人鄭人齊人曹人邾人薛人鄆人盟于

蜀 齊在鄭下非卿傳曰卿不書盟也然則楚卿於是始與中國準自此以下楚卿不書皆貶惡也

傳二年春齊侯伐我北鄙圍龍

龍魯邑在泰山博縣西南

頃公之嬖

人盧蒲就魁門焉

攻龍門也

龍人囚之齊侯曰勿殺吾與

而盟無入而封

封竟

弗聽殺而膊諸城上

膊磔也。膊皆各反。去衣磔之。

方言云。膊曝也。

齊侯親鼓士陵城三日取龍遂南侵及巢邱

侯龍取巢邱不書其義未聞

○衛侯使孫良夫石稷甯相向禽將侵齊與齊師

遇

齊伐魯遷相遇于衛地良夫孫林父之父石稷石碯四世孫甯相甯俞子。相去聲向舒亮反。

石子欲還孫子

曰不可以師伐人遇其師而還將謂君何

言無以答君

若

知不能則如無出今既遇矣不如戰也夏有

闕文失新蔡戰

事石成子曰師敗矣子不少須衆懼盡

成子石稷也衛師已敗而孫良

夫復欲戰故成子欲使須救

子喪師徒何以復命皆不對

斥孫子其言逆

告諸將言皆不對者孫子與甯相向禽皆不對

又曰子國卿也隕子辱矣

隕見禽獲子以

衆退我此乃止

我於此止禦齊師

且告車來甚衆

新築人救孫桓子故並告今軍中

齊師乃止次于鞠居

鞠居衛地。後漢志封邱有鞠亭即古鞠居也

新築人仲叔

于奚救孫桓子桓子是以免

于奚守新築大夫

既衛人賞之

以邑

賞于美

辭請曲縣

軒縣也周禮天子樂宮縣四周諸侯軒縣。關南方。縣音懸。軒縣曲一面故謂之曲縣。

繁纓

以朝許之

繁纓馬飾皆諸侯之服。繁步干反。

仲尼聞之曰惜也不如多

與之邑唯器與名不可以假人

器車服名爵號

君之所司也

名以出信

名位不怨為民所信

信以守器

動不失信則車服可保

器以藏禮

車服

所以表尊卑

禮以行義

尊卑有禮各得其宜

義以生利

得其宜則利生

利以平民

政之大節也。若以假人與人政也，政亡則國家從

之弗可止也已。孫桓子還於新築，不入不入，遂如晉

乞師。臧宣叔亦如晉乞師，皆主。郤獻子宣十七年，郤克至齊，為婦人所

笑達怒，故魯衛國之孫桓子臧宣叔皆不以國命各自詣郤克，故不書。晉侯許之七百乘。五萬二千五百人。郤

子曰：「此城濮之賦也。」城濮在僖二十八年。有先君之明，與先大夫

之肅，故捷。克於先大夫無能為役。不中為之後使。請八百乘。

許之。六萬。郤克將中軍，士燮佐上軍。范之子，代荀爽。欒書將下

軍。代趙。韓厥為司馬，以救魯衛。臧宣叔逆晉師，且道

之。宣叔乞師先歸，故往逆晉師且為向導。季文子帥師會之，及衛地。韓獻子

將斬人。郤獻子馳將救之。至則既斬之矣。郤子使

速以徇，告其僕曰：「吾以分謗也。」

不欲使韓氏獨受謗。

師從齊師。

于莘

莘齊地。

六月壬申，師至于靡笄之下。

靡笄山名。笄音雞。○史記晉平公元年。

伐齊戰于靡下。徐廣曰：靡，當作歷。志曰：歷山，即左傳所謂靡笄之山也。今名千佛山，在濟南府南十里。

齊侯使請戰，曰：「子

以君師辱於敝邑，不腆敝賦，詰朝請見。」

詰朝，平旦。○見賢適友。

對

曰：「晉與魯衛兄弟也，來告曰：『大國朝夕釋憾於敝

邑之地。』」

大國謂齊、敝邑魯、衛，自稱。

寡君不忍，使羣臣請於大國，無令

輿師淹於君地。」

輿，與也。淹，久也。○令，平聲。

能進不能退，君無所辱命。

言自欲戰，不復須君命。

齊侯曰：「大夫之許，寡人之願也。若其不許，

亦將見也。齊高固入晉師，桀石以投人。桀，擔也。○禽

之而乘其車。既獲其人，因釋已車而載所獲者車。繫桑本馬，以徇齊壘。將

齊壘以桑樹繫車而走，欲自異。曰：「欲勇者，賈余餘勇。」賈，買也。言已勇有餘，欲賣之。○賈音古。癸酉

師陳于鞌，郤復御齊侯。逢丑父為右，晉解張御郤

克，鄭邱緩為右。齊侯曰：「余姑翦滅此而朝食。」姑，且也。翦，盡也。

○陳去聲。郤音兩。解音頰。不介馬而馳之。介，甲也。郤克傷於矢，流血及屨。

未絕鼓音。中軍擊鼓，旌鼓故也。雖傷而擊鼓不息。曰：「余病矣。」張侯曰：「自始合

而矢貫余手及肘，余折以御。左輪朱殷，豈敢言病

吾子忍之。」張侯解張也。朱，血色。血色久則殷。殷音近烟。今人謂赤黑為殷色。言血多，汗車輪，傷猶不敢息。○殷於閑反。緩

曰自始合苟有險余必下推車子豈識之然子病

矣

以其不識已推車○推他回反

張侯曰師之耳目在吾旗鼓進退從

之此車一人殿之可以集事

殿鎮也集成也殿多練反

若之何其

以病敗君之大事也擐甲執兵固即死也

擐貫也即就也○擐音患

病未及死吾子勉之左并轡右援枹而鼓馬逸不

能止師從之

晉師從卻克車○枹音浮鼓槌也○本亦作桴解張并轡代卻克鼓也

齊師敗績逐之

三周華不注

華不注山名○不音附與詩鄂不韡韡之不同謂花蒂也言此山孤秀如華附之著于水在今濟南府城北下有華泉

韓厥夢子輿謂已曰且辟左右

子輿韓厥父子輿音避

故中御而

從齊侯

居中代御者自非元帥御者皆在中將在左

邴夏曰射其御者君子也

公曰謂之君子而射之非禮也

齊侯不知戎禮。射音石。下皆同。

射其

左越于車下

越隊也。

射其右斃于車中。綦母張喪車從。

韓厥曰請寓乘

綦母張晉大夫寓寄也。○綦母音其無。乘去聲。

從左右皆肘之使

立於後

以左右皆死不欲使立其處。○以肘排退之。

韓厥俛定其右

俛俯也。右被射。仆車中故俯安。

隱之。○俛音勉。○孔疏言此者為下。丑父與公易位由厥之俯故不覺其易。綦母張蓋助厥定右故並不見之。

逢丑父與公

易位

居公處。

將及華泉驂絰於木而止

驂馬絰也。○絰音卦。

丑父寢於

輶中

輶車。○輶仕產反。卧車也。○周禮士乘棧車考。二記棧車公奔奔者上狹下闊。輶音義同。

蛇出於其下

以肱擊之傷而匿之故不能推車而及

為韓厥所及。丑父欲為右故匿。

傷韓厥執紼馬前

紼馬絆也。執之。示修臣僕之職。

再拜稽首奉觴加璧

以進

進觴璧亦以示敬

曰寡君使羣臣為魯衛請曰無令與

師陷入君地

本但為二國救請不欲乃過入君地謙辭

下臣不幸屬當戎行無

所逃隱

屬適也○屬音燭行音杭

且懼奔辟而忝兩君臣辱戎士

若奔辟則

為辱晉君并為齊侯羞故言二君此蓋韓厥自處臣僕謙敬之飾言○辟音避

敢告不敏攝官承乏

言欲以已

不敏攝承空乏從君俱還

丑父使公下如華泉取飲鄭周父御左車

宛校為右載齊侯以免

佐車副車○宛紆元友校扶察反

韓厥獻丑父

郤獻子將戮之呼曰自今無有代其君任患者有

一於此將為戮乎郤子曰人不難以死免其君我

戮之不祥赦之以勸事君者乃免之齊侯免求丑

父三入三出

重其代已故三入晉軍求之呼去聲任音壬

每出齊師以帥退入于

狄卒

齊師大敗皆有退心故齊侯輕出其眾以帥屬退者遂進入狄卒狄卒者狄人從晉討齊者

狄卒皆抽戈楯冒

之以入于衛師衛師免之

狄衛畏齊之強故不敢害齊侯皆共免護之○楯食準反

遂自

徐關入

○今淄川縣有古徐關

齊侯見保者曰勉之齊師敗矣

所過城邑

皆勉勵其守者

辟女子

使辟君也齊侯見保者故婦人不辟之○辟音避

女子曰君免乎曰免

矣曰銳司徒免乎曰免矣

銳司徒主銳兵者

曰苟君與吾父

免矣可若何

言餘人不復如何

乃奔

走辟君

齊侯以為有禮

先問君後問父

故既而問之辟司徒之妻也

辟司徒主擊壁者○辟音壁

予之石窞

石窞邑名濟北盧縣東有地名石窞○窞力救反○時初為盧縣之長清鎮尋置長清縣今仍之屬濟南府古城在縣東南三十里

晉師

從齊師入自邱輿擊馬陘

邱輿馬陘皆齊邑。陘音刑。邱輿當在今青州府益都縣界馬陘在益

都縣西南

齊侯使賓媚人賂以紀甗玉磬與地

媚人國佐也。甗玉甗皆滅紀所

得。甗音彦。無底甗方言云甗自關而東曰甗

不可則聽客之所為賓媚人致賂

晉人不可曰必以蕭同叔子為質

同叔蕭君之字齊侯外祖父子女也難斥言其

母故遠言之

而使齊之封內盡東其畝

使虜畝東西行。行音杭

對曰蕭同

叔子非他寡君之母也若以匹敵則亦晉君之母

也吾子布大命於諸侯而曰必質其母以為信其

若王命何

言違王命

且是以不孝令也詩曰孝子不匱永

錫爾類

詩大雅言孝心不乏者又能以孝道長賜其志類

若以不孝令於諸侯其無

乃非德類也乎

不以孝德賜同類

先王疆理天下物土之宜

而布其利

疆界也理正也物土之宜播殖之物各從土宜。物相也淮南子云欲知地道者物其樹

故詩曰我

疆我理南東其畝

詩小雅或南或東從其土宜

今吾子疆理諸侯而

曰盡東其畝而已唯吾子戎車是利

晉之伐齊備楚東行易。朱子曰井田之

法縱橫為溝洫川澗其中阡陌一東一南十字相交所以寓設險之意而非戎車之利也若盡東其畝則無縱橫相衝但一直向東可以長驅而來矣

無顧土宜其無乃非先王之命也乎反先王則不

義何以爲盟主其晉實有闕

闕

四王之王也

禹湯文武

德而濟同欲焉

樹立也濟成也

五伯之霸也

夏伯昆吾商伯大彭宋伯曹伯齊桓晉文

勤

而撫之以役王命

役事也

今吾子求合諸侯以逞無疆

之欲

騷竟也

詩曰布政優優百祿是道

詩頌殷湯布政優和故百祿來聚道聚也

子

實不優而弃百祿諸侯何害焉

言不能為諸侯害

不然

不見許

寡

君之命使臣則有辭矣曰子以君師辱於敝邑不

腆敝賦以犒從者

戰而曰犒為孫辭

畏君之震師徒撓敗

震動

撓曲也○撓乃教反○震威也

吾子惠徼齊國之福不泯其社稷使繼

舊好唯是先君之敝器土地不敢愛子又不許請

收合餘燼

燼火餘木

背城借一

欲于城下復借一戰○背音佩

敝邑之幸亦云

從也况其不幸敢不唯命是聽

言完全之時尚不敢違晉今若不幸則從命○言即幸而

勝亦從晉命况於不幸

魯衛諫曰齊疾我矣

諫卻克也

其死亡者皆親暱

也子若不許雖我必甚唯子則又何求子得其國

寶謂獻我亦得地齊歸而紆於難齊服則難緩其榮多矣

齊晉亦唯天所授豈必晉晉人許之對曰羣臣帥

賦輿賦輿猶兵車以為魯衛請若苟有以藉口而復於寡

君藉薦復白也。孔疏禮承玉之物名為繅藉藉是承薦之言故為薦也言無物則空口以為報少有所得則于口為藉故曰藉口君

之惠也敢不唯命是聽禽鄭自師逆公禽鄭魯大夫歸逆公會晉師

秋七月晉師及齊國佐盟于袁婁使齊人歸我汶

陽之田公會晉師于上鄆上鄆地闕公會晉師不書史闕。上鄆當在山東兗州府陽穀縣境蓋齊

衛境上之邑也賜三帥先路三命之服三帥卻克士燮樂書已嘗受王先路之賜今改而易新并此車

所建所服之物
司馬司空輿帥候正亞旅皆受一命之服晉司馬司

空皆大夫輿帥主兵車候正主斥候亞旅亦大夫也皆魯侯賜。孔疏司馬司空本是卿官之名。但晉之諸卿皆以三軍將佐為號其司馬司空皆為大夫之官

○八月宋文公卒始厚葬用蜃炭益車馬始用殉

燒蛤為炭以瘞瘡多埋車馬用人從葬。蜃市。忍反。○大蛤曰蜃益車馬者塗車茅馬益多于舊。重器備重猶多也。重平聲。多為明

也。椁有四阿。棺有翰榿四阿四注椁也。翰旁飾榿上飾皆王禮。孔疏周禮匠人云殷人四阿重屋。鄭云阿棟

也。四角設棟也是為四注榿也。王喪禮下篇陳明器云抗木橫三縮二謂於椁之上設此木從二橫三以負土則士之椁上平也。今此椁上四注而下則其上

方而尖釋詁云翰榿也。舍人曰所以當牆兩邊。障土者也。翰在牆之旁則知此翰亦在旁也。詩云會弁如星。鄭云會謂弁之縫中言其際會之處也會在

弁之上。知此。君子謂華元樂舉於是乎不臣。臣治煩去

榿亦在上

惑者也是以伏死而爭今二子者君生則縱其惑

謂文十八年殺母弟須死又益其侈是弃君於惡也何臣之為

若言何用為臣

○九月衛穆公卒晉三子自役弔焉哭於大門之

外師還過衛故因弔之未復命故不敢成禮衛人逆之逆于門外設喪位婦人哭於門內

喪位婦人哭於堂者在門外故移在門內送亦如之遂常以葬至葬行此禮

○楚之討陳夏氏也在宣十一年莊王欲納夏姬申公巫

臣曰不可君召諸侯以討罪也今納夏姬貪其色

也貪色為淫淫為大罰周書曰明德慎罰周書康誥文王

所以造周也。明德務崇之，之謂也。慎罰務去之，之

謂也。若與諸侯以取大罰，非慎之也。君其圖之。王

乃止。子反欲取之，巫臣曰：「是不祥人也。」是天子鬻

子鬻鄭靈公夏姬之兄殺死無後殺御叔。御叔夏姬之夫亦早死弑靈侯。陳靈公也戮夏南。夏姬

子微舒出孔儀。孔寧儀行父喪陳國。楚滅陳何不祥如是！人生實難

其有不獲死乎？言死易得無為取夏姬以速之天下多美婦人，何必是

子反乃止。王以子連尹襄老，襄老死於郟，不獲其

尸。郟戰在宣十二年其子黑要烝焉。黑要襄老子，烝，要平聲巫臣使道焉，曰：

「歸吾聘女。」道，夏姬使歸鄭又使自鄭召之，曰：「尸可得也。」襄老必尸

來逆之姬以告王。王問諸屈巫。屈巫，巫臣。對曰：「其信，知營

之父，成公之嬖也。而中行伯之季弟也。」知營，父荀首也。中行伯，荀林父也。

也。必之戰，楚人因知營。新佐中軍，而善鄭皇戌，甚愛此子。愛，知也。營也。其必

因鄭而歸，王子與襄老之尸以求之。王子，楚公子穀臣也。鄭之戰，荀首囚之。

鄭人懼於邲之役，而欲求媚於晉，其必許之。王遣

夏姬歸，將行，謂送者曰：「不得尸，吾不反矣。」巫臣聘

諸鄭，鄭伯許之。聘，夏姬。及共王即位，將為陽橋之役。楚伐魯至。

陽橋，在使屈巫聘于齊，且告師期。巫臣盡室以行。室，家也。盡，去也。

申叔跪從其父將適郢，遇之。叔跪，申叔時之子。跪，其妾反。曰：「異哉！夫

子有三軍之懼而又有桑中之喜宜將竊妻以逃

者也

桑中衛風淫奔之詩

及鄭使介反幣而以復姬行

介副也將幣聘物

奔齊齊師新敗曰吾不處不勝之國遂奔晉而因

郤至

至郤克族子

以臣於晉晉人使爲邢大夫

邢晉邑

子反請

以重幣錮之

禁錮勿令仕錮音固

王曰止其自爲謀也則過矣

其爲吾先君謀也則忠忠社稷之固也所蓋多矣

蓋覆也

且彼若能利國家雖重幣晉將可乎

言不詩

若無

益於晉晉將弃之何勞錮焉

爲七年楚滅巫臣族晉南通吳張本

○晉師歸范文子後入武子曰無爲吾望爾也乎

武子士會
文子之父

對曰師有功國人喜以逆之先入必屬耳

目焉是代帥受名也故不敢武子曰吾知免矣

知其不益

己禍。

屬音燭卻伯見公曰子之力也夫對曰君之訓也二

三子之力也臣何力之有焉

卻伯卻克
見賢論反

范叔見勞之

如卻伯對曰庚所命也克之制也燮何力之有焉

荀庚將上軍時不出范文子上軍
佐代行故稱帥以讓。勞去聲

藥伯見公亦如之對曰燮

之詔也士用命也書何力之有焉

詔告也藥書下軍帥故
推功上軍傳言晉將帥

克讓所以
能勝齊

○宣公使求好于楚莊王卒宣公薨不克作好在

年公即位受盟于晉。元年盟赤棘會晉伐齊。衛人不行使

于楚。楚不聘而亦受盟于晉。從於伐齊。故楚令尹子重

爲陽橋之役以救齊。將起師。子重曰。君弱。傳曰。寡人

喪先君。共王即位至是三年。蓋年十二三矣。羣臣不如先大夫。師衆而後可。詩

曰。濟濟多士。文王以寧。詩大雅言文王以衆士安夫文王猶用衆。况

吾儕乎。儕等且先君莊王屬之曰。無德以及遠方。莫

如惠恤其民而善用之。乃大戶。閱民戶口屬首燭已責。責責逮

鰥。施及老鰥救乏。赦罪。悉師。王卒盡行。彭名御戎。蔡景公

爲左。許靈公爲右。王卒盡行。故王戎車亦行。雖無楚王。今二君當左右之位。二君弱。皆強

冠之冬。楚師侵衛，遂侵我師于蜀。公賂之而退。故不書侵。使臧孫

往。臧孫宣叔也。辭曰：「楚遠而久，固將退矣。無功而受名，臣

不敢。不敢虛受。退楚名。楚侵及陽橋。陽橋魯地。陸氏澄曰：博縣有陽橋，今在山東泰安州西北。孟

孫請往賂之。楚侵遂深，故孟孫請以賂往。孟孫獻子也。以執斲，執鍼織絳。執斲匠人，執鍼

女工，織絳織縵布者。鍼之林反。絳，女金反。皆百人。公衛爲質。公衛成公子。以請盟楚

人許平。十一月，公及楚公子嬰齊、蔡侯、許男、秦右

大夫說、宋華元、陳公孫寧、衛孫良夫、鄭公子去疾

及齊國之大夫盟于蜀。齊大夫不書其名，非卿也。說音悅。卿不書，匱盟

也。於是乎畏晉而竊與楚盟，故曰匱盟。匱乏也。孔疏私竊爲盟，盟終

私竊爲盟，終

不圖此盟是

匱乏之道也

蔡侯許男不書乘楚車也。謂之失位。

乘楚王車為左

右則失位也。卿不書則稱人。諸侯不書皆不見經。君臣之別。

君子曰：位其不可不慎也乎？

蔡許之君一失其位，不得列於諸侯，況其下乎？詩

曰：不解于位，民之攸暨。

詩大雅言在上者勤正其位則國安而民息也。攸所也。暨息也。

其是

之謂矣。楚師及宋，公衡逃歸。臧宣叔曰：衡父不忍

數年之不宴。

宴樂也。

以弃魯國，國將若之何？誰居後之

人必有任是夫國弃矣。

居辭也。言後人必有當此患。居音基。任音壬。

是行也。晉

辟楚，畏其衆也。君子曰：衆之不可以已也。大夫為

政猶以衆克，况明君而善用其衆乎？大誓所謂商

兆民離周十人同者衆也

大誓周書萬億曰兆民離則弱合則成衆言殷以散亡周以衆興

○晉侯使鞏朔獻齊捷于周王弗見使單襄公辭焉曰蠻夷戎狄不式王命

式用也

淫洒毀常王命伐之

則有獻捷王親受而勞之所以懲不敬勸有功也

兄弟甥舅侵敗王畧

兄弟同姓國甥舅異姓國畧經畧法度洒面善反勞去聲

王命伐

之告事而已不獻其功所以敬親暱

告伐事而不獻囚俘

禁淫

慝也

淫慝謂誑掠百姓取囚俘也。贖薄報反掠音亮

今叔父克遂有功于齊

克能也

而不使命卿鎮撫王室所使來撫余一人而鞏伯

實來未有職司於王室

鞏朔上軍大夫非命卿名位不達於王室

又奸先王之

禮

謂獻齊捷。奸音干。

余雖欲於鞏伯

欲受其獻

其敢廢舊典以忝叔

父夫齊甥舅之國也而大師之後也

齊世與周昏故曰甥舅。大音泰。

寧不亦淫從其欲以怒叔父抑豈不可諫誨士莊

伯不能對

莊伯鞏朝。從子用反。

王使委於三吏

委屬也。三吏三公也。三公者天子之吏也。

禮之如侯伯克敵使大夫告慶之禮降於卿禮一

等王以鞏伯宴而私賄之使相告之曰非禮也勿

籍

相相禮者籍書也。王畏晉故私宴賄以慰鞏朝。

經三年春王正月公會晉侯宋公衛侯曹伯伐鄭

宋衛未葬而稱爵以接隣國非禮也。

○辛亥葬衛穆公

無傳

○二月公至自

伐鄭

無傳

○甲子新宮災三日哭

無傳三年喪畢宣公神主新入廟故謂之新宮書三日哭

善得禮宗廟親之神靈所馮居而遇災故哀而哭之

○乙亥葬宋文公

無傳七月而葬緩

○夏公

如晉○鄭公子去疾帥師伐許○公至自晉無傳○

秋叔孫僑如帥師圍棘

棘汶陽田之邑在濟北蛇邱縣○蛇以支反○劉氏昭曰蛇邱縣有棘鄉季氏本

曰今當為肥鄉縣地

○大雩

無傳以過時書

○晉卻克衛孫良夫伐廡咎如

赤狄別種○廡在良反咎音羔

○冬十有一月晉侯使荀庚來聘衛侯

使孫良夫來聘丙午及荀庚盟丁未及孫良夫盟

先及荀庚

○鄭伐許

無傳不書將帥告辭略

傳三年春諸侯伐鄭次于伯牛討邲之役也

伯牛鄭地邲役

在宣十二年

遂東侵鄭

晉潛軍深入

鄭公子偃帥師禦之

偃穆公子

使東

郟覆諸鄆

覆伏兵也。○覆扶又反。鄆武旦反。

敗諸邱輿

鄭邱輿皆鄭地。晉偏軍為鄭所敗。故不書。

皇

戊如楚獻捷

○夏公如晉拜汶陽之田

前年晉使齊歸魯汶陽田故

○許恃楚而不事鄭鄭子良伐許

○晉人歸楚公子穀臣與連尹襄老之尸于楚以

求知瑩

邲之戰楚獲知瑩

於是荀首佐中軍矣

荀首知瑩父

故楚人

許之王送知瑩曰子其怨我乎對曰二國治戎臣

不才不勝其任以為俘馘執事不以釁鼓

以血塗鼓為釁鼓

勝音升使歸即戮君之惠也。臣實不才，又誰敢怨。王曰：

然則德我乎？對曰：二國圖其社稷，而求紓其民也。

各懲其忿，以相宥也。宥赦也。兩釋纍囚，以成其好也。

國有好，臣不與及其誰敢德。言二國本不為己，與音預。王曰：子歸。

何以報我？對曰：臣不任受怨，君亦不任受德，無怨

無德，不知所報。音壬。王曰：雖然，必告不穀。對曰：以君

之靈，纍臣得歸骨於晉，寡君之以為戮，死且不朽。

勝其不勝任若從君之惠而免之，以賜君之外臣首。稱於異國君曰

外臣首，其請於寡君，而以戮於宗，亦死且不朽。若不

獲命

君不許戮

而使嗣宗職

嗣其祖宗之位職

次及於事而帥偏師

以修封疆雖遇執事

遇楚將帥

其弗敢違

違辟也

其竭力致

死無有二心以盡臣禮所以報也王曰晉未可與爭重爲之禮而歸之

○秋叔孫僑如圍棘取汶陽之田棘不服故圍之

僑如叔孫得臣子

○晉卻克衛孫良夫伐麇咎如討赤狄之餘焉

五年

晉滅赤狄潞氏其餘民散入麇咎如故討之

麇咎如潰上失民也

此傳釋經之文而經無麇咎如潰蓋

經闕此

四字

○冬十一月晉侯使荀庚來聘且尋盟

尋元年赤棘盟荀庚林父之子

衛侯使孫良夫來聘且尋盟

尋宣七年盟

公問諸臧宣叔

曰中行伯之於晉也其位在三

下

孫子之於衛也

位為上卿將誰先對曰次國之上卿當大國之中

中當其下下當其上大夫

降一等

小國之上卿當大國

之下卿中當其上大夫下當其下大夫

降大國二等

上下

如是古之制也

古制公為大國侯伯為次國子男為小國

衛在晉不得為次國

春秋時以強弱為大小故衛雖侯爵猶為小國

晉為盟主其將先之

計等則二人位敵以盟主故先晉

丙午盟晉丁未盟衛禮也

○十二月甲戌晉作六軍

為六軍僭王也萬二千五百人為軍

韓厥趙括

鞏朔韓穿荀騅趙旃皆為卿賞鞏之功也

韓厥為新中軍趙括佐之

鞏朔為新上軍韓穿佐之荀騅為新下軍趙旃佐之晉舊自有三軍今增此故為六軍○騅音佳

○齊侯朝于晉將授玉

行朝禮

卻克趨進曰此行也君

為婦人之笑辱也寡君未之敢任

言齊侯之來以謝婦人之笑非為修好故云晉

君不任當此惠為去聲任音壬

晉侯享齊侯齊侯視韓厥韓厥曰君

知厥也乎齊侯曰服改矣

戎朝異服也言服改明諱其人

韓厥登舉爵

曰臣之不敢愛死為兩君之在此堂也

○荀瑩之在楚也鄭賈人有將寘諸褚中以出

褚中呂

反絮也既謀之未行而楚人歸之賈人如晉荀榮善視

之如實出已賈人曰吾無其功敢有其實乎吾小

人不可以厚誣君子遂適齊傳言知榮之賢

經四年春宋公使華元來聘○三月壬申鄭伯堅

卒無傳二年大夫盟于蜀壬申二月二十八日○杞伯來朝○夏四月甲寅臧

孫許卒無傳○公如晉○葬鄭襄公無傳○秋公至自

晉○冬城鄆無傳公欲叛晉故城而為備○按魯有二鄆此西鄆也今山東兗州府濟寧州鄆城縣是○鄭伯

伐許

傳四年春宋華元來聘通嗣君也宋共公即位

○杞伯來朝歸叔姬故也

將出叔姬先修禮朝魯言其故

○夏公如晉晉侯見公不敬季文子曰晉侯必不

免

言將不能壽終也後十年陷刑而死

詩曰敬之敬之天惟顯思命不易

哉

詩頌言天道顯明受其命甚難不可不敬以奉之○易以鼓反

夫晉侯之命在諸侯矣可

不敬乎

敬諸侯則得天命

○秋公至自晉欲求成于楚而叛晉季文子曰不

可晉雖無道未可叛也國大臣睦而邇於我

邇近也諸

侯聽焉未可以貳

聽服也

史佚之志有之

周文王大史

曰非我

族類其心必異楚雖大非吾族也

與魯異姓

其肯字我乎

公乃止

字安也

○冬十一月鄭公孫申帥師疆許田

前年鄭伐許侵其田今正其界

許

人敗諸展波鄭伯伐許取鉏任泠敷之田

展波亦許地○任音士泠

力丁反○在今河東開封府許州西北

晉欒書將中軍

代郤克

荀首佐之士燮佐

上軍以救許伐鄭取汜祭

汜祭鄭地成皋縣東有汜水○汜音祀祭側介反○即中牟之祭亭周祭伯

之邑○于鄭者二邑俱屬今開封府

楚子反救鄭鄭伯與許男訟焉

於子反前爭曲

直皇戌攝鄭伯之辭

代之對

子反不能決也曰君若辱

在寡君寡君與其二三臣共聽兩君之所欲成其

可知也

欲使自屈於楚子前決之

不然側不足以知二國之成

側子反名為明

年許愬鄭

于楚張本

○晉趙嬰通于趙莊姬

趙嬰趙盾弟莊姬趙朔妻朔盾之子

經五年春王正月杞叔姬來歸

出也傳在前年

○仲孫蔑如

宋○夏叔孫僑如會晉荀首于穀

穀齊地

○梁山崩

記異

也梁山在馮翊夏陽縣北○夏陽今同州韓城縣屬陝西西安府

○秋大水

無傳

○冬十有一

月己酉天王崩○十有二月己丑公會晉侯齊侯

宋公衛侯鄭伯曹伯邾子杞伯同盟于蟲牢

蟲牢鄭地陳留

封邱縣北有桐牢○今桐牢亭在河南開封府封邱縣北三里

傳五年春原屏放諸齊

放趙嬰也原同屏季嬰之兄○屏步丁反

嬰曰我在故

藥氏不作我亡吾二昆其憂哉且人各有能有不

能

言已雖淫而能令莊姬護趙氏

舍我何害弗聽嬰夢天使謂已祭余

余福女使問諸士貞伯貞伯曰不識也既而告其

人

自告貞伯從人

曰神福仁而禍淫淫而無罰福也祭其得

亡乎

以得放遣為福

祭之之明日而亡

為八年晉殺趙同趙括傳

○孟獻子如宋報華元也

前年宋華元來聘

○夏晉荀首如齊逆女故宣伯餽諸穀

野饋曰餽逆饋之敬大賜也

○餽音鄺○高氏聞曰荀首逆女而僑如往饋之此之謂非禮之禮

○梁山崩晉侯以傳召伯宗

傳驛○傳中及下同

伯宗辟重曰

辟傳

重載之車。辟重音關曰辟音辭

重人曰待我不如捷之速也

捷邪出問

其所曰絳人也。問絳事焉。曰梁山崩將召伯宗謀

之。問將若之。何曰山有朽壤而崩。可若何。國主山

川主謂所祭故山崩川竭。君爲之不舉去威降服損威乘纆

車無文。纆莫半反。徹樂息八音出次舍于郊祝幣陳玉帛史辭自罪責以禮焉禮山川

其如此而已。雖伯宗若之。何。伯宗請見之。見之於晉君。見賢遍反。

不可不肯遂以告而從之。從重人言

○許靈公愬鄭伯于楚。前此年鄭伐許故六月鄭悼公如楚。訟

不勝。楚人執皇戌及子圉。以鄭伯不直故也。子圉鄭穆公子故鄭伯歸使

公子偃請成于晉。秋八月，鄭伯及晉趙同盟于垂

棘

垂棘
晉地

○宋公子圍龜爲質于楚而歸。圍龜文華元享之，請

鼓譟以出，鼓譟以復入。出入輒擊鼓曰：習攻華氏。宋公

殺之。

蓋宣十五年宋楚平後華元使圍龜代已為所殺，故怨而欲攻華氏。

○冬，同盟于蟲牢，鄭服也。諸侯謀復會，宋公使向

爲人辭以子靈之難。子靈圍龜也。宋公不欲會，以新誅子靈為辭，為明年侵宋傳。向舒亮反。

○十一月己酉，定王崩。經在蟲牢，傳在下月，倒錯。衆家傳悉無此八字，或衍文。

經六年春，王正月，公至自會。無傳。○二月辛巳，立武

宮

魯人自鞏之功至今無患故築武軍又作先君武公宮以告成

○取

鄆

附庸國也
○鄆音專

○衛孫良夫帥師侵宋○夏六月邾子

來朝

無傳

○公孫嬰齊如晉

嬰齊叔
於子

○壬申鄭伯費卒

前年同盟費
宰○費音秘

○秋仲孫蔑叔孫僑如帥師侵宋○楚公

子嬰齊帥師伐鄭○冬季孫行父如晉○晉欒書

帥師救鄭

傳六年春鄭伯如晉拜成

謝前年
再盟

子游相

子游公
子偃

授玉

于東楹之東

禮授玉兩楹之間
鄭伯行疾故東過

士貞伯曰鄭伯其死乎自

弃也已視流而行速不安其位宜不能久

視流不
端諦

○二月季文子以鞏之功立武宮非禮也

宣十二年潘黨勸楚子立

武軍楚子答以武有七德非己所堪其為先君宮告成事而已今魯倚晉之功又非霸主而立武宮故譏之

聽於人以救

其難不可以立武立武由己非由人也

言請人救難勝非己功○災氏

助曰傳意以為武軍之宮如楚子所立者非也

○取鄆言易也

○胡傳滅而書取為君隱也

○三月晉伯宗夏陽說衛孫良夫甯相鄭人伊雒

之戎陸渾蠻氏侵宋

夏陽說晉大夫蠻氏戎別種也河南新城縣東南有蠻城經惟書衛孫良夫獨衛告也○

說音悅相去聲

以其辭會也

辭會在

師于鉞衛人不保

不守備○鉞其廣反

說欲襲衛曰雖不可入多俘而歸有罪不及死伯

宗曰不可衛唯信晉故師在其郊而不設備若襲

之是并信也雖多衛俘而晉無信何以求諸侯乃

止師還衛人登陣

聞說謀故

○晉人謀去故絳

晉復命新田為絳故謂此故絳

諸大夫皆曰必居郇

瑕氏之地

郇瑕古國名河東解縣西北有郇城

沃饒而近鹽

鹽鹽也猗氏縣鹽池是也孔疏說文云鹽河東

鹽池袤五十一里廣七里周摠百一十六里字從鹽省古聲然則鹽是鹽之名鹽雖是鹽唯此池之鹽獨名為鹽餘鹽不名鹽也

國利君

樂不可失也韓獻子將新中軍且為僕大夫

兼大僕公

揖而入獻子從公立於寢庭

路寢之庭

謂獻子曰何如

問諸大夫

對曰不可

言是非

郇瑕氏土薄水淺

土薄地下

其惡易覲

惡疾疾覲成也

易觀則民愁民愁則墊隘

墊隘羸困也。墊丁念反。孔疏羸困而謂之墊隘者方言云墊下也地之

下溼狹隘猶人之羸瘦困苦故杜以墊隘為羸苦也

於是乎有沈溺重膹之疾

沈溺溼疾重膹

足腫。膹治僞反

不如新田

今平陽絳邑縣是。今屬山西平陽府

土厚水深居之不

疾

高燥故

有汾澮以流其惡

汾水出太原經絳北西南入河澮水出平陽絳縣南西入汾惡垢穢

且民

從教

無災患。孔疏民有災患則不暇從上無災患則從教化也

十世之利也夫山澤林藪

國之寶也國饒則民驕佚

財易致則民驕侈

近寶公室乃貧不

可謂樂

近寶則民不務本

公說從之夏四月丁丑晉遷于新

田

為季孫如孫傳

○六月鄭悼公卒

終士貞伯之言

○子叔聲伯如晉命伐宋

晉人命聲伯

秋孟獻子叔孫宣

伯侵宋晉命也

○楚子重伐鄭鄭從晉故也

前年楚晉盟

○冬季文子如晉賀遷也

○晉欒書救鄭與楚師遇於繞角

繞角鄭地。故城在河南汝州魯山縣東南

楚師還晉師遂侵蔡楚公子申公子成以申息之

師救蔡

申息楚二縣

禦諸桑隧

汝南朗陵縣東有桑里在上蔡西南。今河南汝寧府確山縣有朗陵故城

趙同趙括欲戰請於武子武子將許之

武子

知莊子

荀首中軍佐

范文子

士燮上軍佐

韓獻子

韓厥新中軍將

諫曰不可吾來救

鄭楚師去我吾遂至於此

此蔡地

是遷戮也戮而不已

又怒楚師戰必不克

遷戮不義怒敵難當故不克

雖克不令

令善也

成師

以出而敗楚之二縣何榮之有焉

六軍悉出故曰成師以大勝小不足為榮

若

不能敗為辱已甚不如還也乃遂還於是軍帥之

欲戰者眾或謂藥武子曰聖人與眾同欲是以濟

事子盍從眾

盍何不也

子為大政

中軍元帥

將酌於民者也

政子之佐十一人

六軍之卿佐

其不欲戰者三人而已

知范韓也

欲

戰者可謂眾矣商書曰三人占從二人眾故也

商書洪範

武子曰善鈞從眾

鈞等也

夫善眾之主也三卿為主可

謂衆矣

三卿皆晉之賢人

從之不亦可乎

傳善樂書得從衆之義且爲八年晉侵蔡傳

經七年春王正月鼯鼠食郊牛角改卜牛鼯鼠又

食其角乃免牛

無傳稱牛未卜且免放也免牛可也不郊非禮也。鼯音奚。黃氏震曰孫炎曰鼯鼠如鼠狼鄭夾漈曰

草鼠而微。愚聞之師曰。甘口鼠也。噉人畜不知痛。

○吳伐鄭

鄭音談。林氏堯叟曰吳始入伐中國。○夏五月曹

伯來朝○不郊猶三望

無傳書不郊閒有事三望非禮

○秋楚公子嬰

齊帥師伐鄭公會晉侯齊侯宋公衛侯曹伯莒子

邾子杞伯救鄭八月戊辰同盟于馬陵

馬陵衛地陽平元城縣東南有

地名馬陵。今直隸大名府治東南十五里有馬陵城。

公至自會

無傳

吳入州來

州來楚邑淮南下蔡縣是

也。今江南鳳陽府壽州有下蔡城孫氏復曰州來微國。

○冬大雩

無傳書過。劉氏敞曰穀梁曰冬無為雩也非也。周之十月今

之八月若久不雨可得不要乎

○衛孫林父出奔晉

傳七年春吳伐邾邾成季文子曰中國不振旅蠻

夷入伐而莫之或恤

振整也旅衆也

無弔者也夫

言中國不能相懲恤故夷狄內侵

詩曰不弔昊天亂靡有定其此之謂乎

詩小雅刺在上者不能弔愍下

民故號

有上不弔其誰不受亂

上謂

吾亡無日矣君子

曰知懼如是斯不亡矣

○鄭子良相成公以如晉見且拜師

謝前年晉救鄭也師為楚伐鄭張本

○見一覽

○夏曹宣公來朝

○秋楚子重伐鄭師于汜汜鄭地在襄城縣南。汜音凡。諸侯救鄭鄭

共仲侯羽軍楚師二子鄭大夫共音恭。囚鄭公鍾儀獻諸晉八

月同盟于馬陵尋蟲牢之盟且莒服故也蟲牢盟在五

齊服故莒從之。鄭本作真音云。晉人以鍾儀歸囚諸軍府軍藏府也為九年

○藏才浪反

○楚圍宋之役在宣十四年師還子重請取於申呂以為

賞田王許之分申呂之田以自賞。括地志故呂國在鄧州南陽縣西今南陽縣屬河南南陽府。申公巫臣

曰不可此申呂所以邑也是以為賦以御北方若

取之是無申呂也言申呂賴此田成邑耳不得此田則無以出兵賦而二邑壞也。晉鄭必至

于漢王乃止。子重是以怨巫臣。子反欲取夏姬。巫

臣止之。遂取以行。子反亦怨之。及共王即位。楚共王以魯成

公元年即位子重子反殺巫臣之族。子閻子蕩及清尹弗

忌。皆巫臣之族。閻音鹽。及襄老之子黑要。以夏姬故并怨黑要。要平聲。而分其室。

子重取子閻之室。使沈尹與王子罷分子蕩之室。

子反取黑要與清尹之室。巫臣自晉遺二子書。子重子反

罷音皮下。同遺去聲。曰：爾以讒慝貪恠事君而多殺不辜。余必

使爾罷於奔命以死。巫臣請使於吳。晉侯許之。吳

子壽夢說之。乃通吳于晉。壽夢季禮父。淋力。含反。使去聲。夢平聲。以兩之一

卒適吳舍偏兩之一焉

司馬法百人為卒二十五人為兩車九乘為小偏十五乘為大偏蓋留九乘車

及一兩二十五人今吳習之○舍音赦○顧氏炎武曰按傳氏云古人一車謂之一兩詩百兩御之孟子革車三百兩非二十五人為兩之兩也蓋楚廣之制本用一卒故云以兩之一卒其云舍偏兩之一者車之半邊為偏偏五十人今留二十五人也

與其射御教吳乘

車教之戰陳教之叛楚

前是吳常屬楚

寘其子狐庸焉使為

行人於吳吳始伐楚伐巢伐徐

巢徐楚屬國

子重奔命

救徐

馬陵之會吳入州來子重自鄭奔命

因伐鄭而行

子重子

反於是乎一歲七奔命蠻夷屬於楚者吳盡取之

是以始大通吳於上國

上國諸夏

○衛定公惡孫林父冬孫林父出奔晉

林父孫良夫之子

衛

侯如晉晉反戚焉

戚林父邑林父出奔戚隨屬晉

經八年春晉侯使韓穿來言汶陽之田歸之于齊

齊服事晉故晉來語魯使還二年所取田

○晉欒書帥師侵蔡○公孫嬰齊如

莒○宋公使華元來聘夏宋公使公孫壽來納幣

昏聘不使卿公華元將命故特書之宋公無主昏者自命之故稱使也公孫壽傷意諸之父○公羊傳納幣不書此何以書錄伯姬也何氏休注據紀後

輸來逆女不書納幣伯姬守節避火而死賢故詳錄其禮所以殊於眾女○晉殺其大夫趙同趙括

傳曰原屏咎之徒也明本不以德義自居宜其見討故從告辭而稱名○胡傳同括無罪為莊姬所譖而樂御害之也故稱國以殺而不去其官以見晉

之失政○秋七月天子使召伯來賜公命

刑矣○冬十月癸卯杞叔姬卒

諸侯即位天子賜以命圭與之前五年來歸者女既

合瑞八年乃來緩也天子天王王者之通稱

適人雖見出奔猶以成人禮書之終為杞伯所葬故稱杞叔姬

○晉侯使士燮來聘叔孫僑

如會晉士燮齊人邾人伐郟

先謀而稱會盟主之命不同之於列國

○衛人

來媵

古者諸侯取適夫人及左右媵各有姪娣皆同姓之國國三人凡九女所以廣繼嗣也魯將嫁伯姬於宋故衛來媵之媵以譏反○公華

傳媵不書此何以書錄伯姬也胡傳諸侯有三歸嫡夫人行則姪娣從二國來媵亦以姪娣從三國來媵非禮也

傳八年春晉侯使韓穿來言汶陽之田歸之于齊

季文子餞之

餞送行飲酒○餞子扇反毛詩箋云祖而舍輶飲酒於其側曰餞

私焉私與之言曰大

國制義以為盟主是以諸侯懷德畏討無有貳心

謂汶陽之田敝邑之舊也而用師於齊使歸諸敝

邑

用師鞏之畿

今有二命曰歸諸齊信以行義義以成命

小國所望而懷也。信不可知，義無所立。四方諸侯

其誰不解體。

言不復肅敬於晉

詩曰：女也不爽，士貳其行。士

也，罔極二三其德。

爽，差也。極中也。詩衛風婦人怨：丈夫不一其行，喻魯事晉猶女之事夫，不敢過差而晉有罔極

之心，反二三其德。○行去聲。

七年之中，一與一奪，二三孰甚焉。士之

二三猶喪妃耦，而况霸主。霸主將德，是以

以用也。○妃音配。

二三之，其何以長有諸侯乎。詩曰：猶之未遠，是用

大簡。

猶圖也。簡，諫也。詩大雅：言王者圖事不遠，故用大道諫之。

行父懼晉之不遠，猶而失

諸侯也。是以敢私言之。

○晉欒書侵蔡。

六年未得志故

遂侵楚，獲申驪。

申驪，楚大夫。

楚師之

還也

謂六年遇於繞角時

晉侵沈獲沈子揖初從知范韓也

繞角之役

樂書從知莊子范文子韓獻子之言不與楚戰自是常從其謀師出有功故傳善之沈國今汝南平與縣。平與音餘今河南汝寧府城東有平與城

君子曰從善如流宜哉

宜有功也如流喻速

詩曰愷悌君子遐

不作人

遐遠也作用也詩大雅言

求善也夫作人斯有功績

矣是行也鄭伯將會晉師

會伐蔡之師

門于許東門大獲

焉過許見其無備因攻之

○聲伯如莒逆也

自為逆婦而志者因聘而逆

○宋華元來聘聘共姬也

穆姜之女成公姊妹為宋共公夫人聘不應使卿故傳發其事而已

宋公使公孫壽來納幣禮也

納幣應使卿

○晉趙莊姬爲趙嬰之亡故譖之于晉侯趙嬰亡在五年曰。

原屏將爲亂。欒卻爲徵。欒氏郤氏亦徵其爲亂六月。晉討趙同。趙

括。武從姬氏畜于公宮。趙武莊姬之子在姬。晉成公女畜養也以其田與祁

奚。韓厥言於晉侯曰。成季之勲。宣孟之忠。成季趙衰宣孟趙盾

而無後。爲善者其懼矣。三代之令王。皆數百年保

天之祿。夫豈無辟王。賴前哲以免也。言三代之亦有邪辟之君。但賴其先人以免。

禍耳。辟。周書曰。不敢侮鰥寡。所以明德也。周書康誥言文王不侮鰥

寡而德益明。欲使乃立武而反其田焉。晉侯之法。文王。

○秋。召桓公來。賜公命。召桓公。周卿士。

○晉侯使申公巫臣如吳假道于莒與渠邱公立

於池上

渠邱公莒子朱也池城池也渠邱邑名莒縣有濰里
○晉地道記曰安邱有渠邱亭今屬山東青州府

曰城已

惡莒子曰辟陋在夷其孰以我爲虞

虞度也

對曰夫狡

焉

狡猾之人

思啓封疆以利社稷者何國蔑有唯然故多

大國矣唯或思或縱也

世有思開封疆者有縱其暴掠者莒人當唯此爲命○陸氏槩曰有思開封疆

者有縱弛而不設備者故多兼并以成大國

勇夫重閉况國乎

爲明年莒潰傳○重平聲

○冬杞叔姬卒來歸自杞故書

愍其見出來歸故書卒也若更適大夫則不復書卒

○晉士燮來聘言伐鄭也以其事吳故

七年鄭與吳成公賂

之請緩師文子不可

文子

曰君命無貳失信不立禮

無加貨事無二成

公私不兩成

君後諸侯是寡君不得事

君也

欲與魯絕

燹將復之季孫懼使宣伯帥師會伐郟

○衛人來媵共姬禮也凡諸侯嫁女同姓媵之異

姓則否

必以同姓者參骨肉至親所以息陰訟。劉氏敞曰諸侯三歸歸各一族自同姓耳若嬴曹嬀弋之君嫁女者必同姓媵之則諸侯

之媵或不能備

經九年春王正月杞伯來逆叔姬之喪以歸○公

會晉侯齊侯宋公衛侯鄭伯曹伯莒子杞伯同盟

于蒲

蒲衛地在長垣縣西南。今長垣縣屬直隸大名府。

公至自會

無傳

○二月伯姬歸

于宋

宋不使卿逆非禮。○家氏鉉翁曰自始至成禮七見經貴之也。

○夏季孫行父如宋致

女

女嫁三月又使大夫隨加聘問謂之致女所以致成婦禮焉昏姻之好。公羊傳未有言致女者此其言致女何錄伯姬也。

○晉人

來媵

媵伯姬也

○秋七月丙子齊侯無野卒

無傳五同盟丙子六月一日書七月從

赴

○晉人執鄭伯

鄭伯既受盟於蒲又受楚賂會於鄆故晉執之稱人者晉以無道於民告諸侯例在十五年。胡傳

稱人而執者既不以王命又不歸諸京師則非霸討也

晉欒書帥師伐鄭○冬十有一

月葬齊頃公

無傳

○楚公子嬰齊帥師伐莒庚申莒

潰

民逃其上曰潰

楚人入鄆

鄆莒別邑也楚偏師入鄆故稱人。按上書公子嬰齊則知此楚人即嬰齊也

○秦

人白狄伐晉○鄭人圍許○城中城

魯邑也在東海廩邱縣西南此閏月

城在十一月之後十二月之前故傳曰書時。廩邱今鄆城縣也屬山東兗州府濟寧州

傳九年春杞桓公來逆叔姬之喪請之也

叔姬已絕於杞魯復

強請杞使還取葬。強其文反。

杞叔姬卒。爲杞故也。

還爲杞婦。故卒稱杞。爲去聲。下同。

逆叔

姬爲我也。

既弃而復逆其喪。明爲魯故。

○爲歸汶陽之田。故諸侯貳於晉。

歸田在前年。

晉人懼會

於蒲。以尋馬陵之盟。

馬陵在七年。

季文子謂范文子曰。德

則不競。尋盟何爲也。

競強也。

范文子曰。勤以撫之。寬以待

之。堅彊以御之。明神以要之。柔服而伐貳德之次

也。是行也將始會吳。吳人不至。

爲十五年會鍾離傳。

○二月。伯姬歸于宋。

爲致女復命起。

○楚人以重賂求鄭。鄭伯會楚公子成于鄧。

爲晉人執鄭伯傳。

○夏季文子如宋致女復命公享之賦韓奕之五

章

韓奕詩大雅篇名其五章言驪父嫁女於韓侯為女相所居莫如韓樂文子喻魯侯有驪父之德宋公如韓侯宋土如韓樂

穆姜

出于房再拜曰大夫勤辱不忘先君以及嗣君施

及未亡人

穆姜伯姬母聞文子言宋樂喜而出謝其行勞婦人夫死自稱未亡人○施以豉反

先君猶有

望也

言先君亦望文子之若此

敢拜大夫之重勤又賦綠衣之卒章

而入

綠衣詩邶風也取其我思古人實獲我心喻文子言得已意

○晉人來媵禮也

同姓故

○秋鄭伯如晉晉人討其貳於楚也執諸銅鞮

銅鞮晉別

縣在上黨○鞮丁兮反○今山西沁州城南有銅鞮城

藥書伐鄭鄭人使伯蠲行成晉

人殺之。非禮也。兵交使在其間可也。

明殺行人例。古立反。使去聲。

楚子重侵陳以救鄭。

陳與晉故。

○晉侯觀于軍府。見鍾儀。問之曰：南冠而縶者，誰

也？

南冠，楚冠也。縶，拘執也。

有司對曰：鄭人所獻楚囚也。使稅之。

鄭獻鍾儀。

在七年。稅，解也。稅音脫。

召而弔之，再拜稽首。問其族，對曰：泠人也。

泠，人。

樂官。泠，力丁反。

公曰：能樂乎？對曰：先父之職官也。敢有二事。

言不敢學他事。

使與之琴操。

南音，楚聲。操，七刀反。

公曰：君王何如？對

曰：非小人之所得知也。固問之。對曰：其為天子也。

師保奉之以朝于嬰齊，而夕于側也。

嬰齊，令尹子重。側，司馬子反。言其尊也。

老不知其他。公語范文子。范文子曰：楚囚君子也。言

稱先職，不背本也。樂操土風，不忘舊也。稱天子，抑

無私也。

舍其近事而遠稱少小，以示性所自然。明至誠。孔疏若言為君時事，嫌為君隱惡或疑已在君位，矯情為善，舍其當時近事。

遠稱天子少小者，未為君時不須隱蔽，以示至性自然。言其從小如此，以明已之至誠無所私也。

名其二卿尊君

也。

尊晉君也。不背本，仁也。不忘舊，信也。無私，忠也。尊君，敏

也。

敏達也。仁以接事，信以守之，忠以成之，敏以行之，事

雖大必濟。

言有此四德，必能成大事。

君盍歸之，使合晉楚之成。公從

之，重為之禮，使歸求成。

為下十二月晉楚結成，張本。

○冬十一月，楚子重自陳伐莒，圍渠邱，渠邱城惡。

衆潰奔莒。戊申，楚入渠邱。

月六日

莒人囚楚公子平。楚

人曰：勿殺吾歸而俘。莒人殺之。楚師圍莒。莒城亦

惡。庚申，莒潰。

月十日

楚遂入鄆。莒無備，故也。

終巫臣之言

君子

曰：恃陋而不備，罪之大者也。備豫不虞，善之大者

也。莒恃其陋而不脩城郭，浹辰之間而楚克其三

都，無備也。夫

浹辰十二日也。○孔疏：浹為周匝也。從甲至癸為十日，從子至亥為十二辰。周禮：縣治象浹日而斂之，謂周于癸。

十日，此言浹辰謂周于亥。十二辰故為十二日也。

詩曰：雖有絲麻，無弃菅蒯。雖有姬

姜，無弃蕉萃。凡百君子，莫不代匱。言備之不可以

已也。

逸詩也。姬姜，大國之女。蕉萃，陋。賤之人。○古韻：反蕉在遙反。

○秦人白狄伐晉諸侯貳故也

○鄭人圍許示晉不急君也

此秋晉執鄭伯

是則公孫申謀

之曰我出師以圍許

示不

為將改立君者而紓晉使

紓緩也勿亟遣使詣晉示欲更立君

晉必歸君

為明年晉侯歸鄭伯張本

○城中城書時也

○十二月楚子使公子辰如晉報鍾儀之使請脩

好結成

鍾儀奉晉命歸故楚報之

經十年春衛侯之弟黑背帥師侵鄭○夏四月五

卜郊不從乃不郊

無傳卜常祀不郊皆非禮故書○殺梁傳夏四月不時也

○五月公會

晉侯齊侯宋公衛侯曹伯伐鄭

晉侯犬子州蒲也稱其生代父居位失人之禮

○齊人來媵

無傳媵伯姬也異姓來媵非禮也

○丙午晉侯獯卒

六同盟據傳丙

午六月七日有日無月。孺乃侯反。

○秋七月公如晉○冬十月

傳十年春晉侯使糴莜如楚

糴莜晉大夫。糴徒弔反。莜扶廢反。

報大宰

子商之使也

子商楚公子辰使在前年

○衛子叔黑背侵鄭晉命也

晉命衛使侵鄭

○鄭公子班聞叔申之謀

政立君之謀

三月子如立公子

孺子繻公子班

夏四月鄭人殺孺立髡頑子如奔許

髡頑鄭成

公大子 藥武子曰鄭人立君我執一人焉何益不如伐

鄭而歸其君以求成焉。晉侯有疾，五月，晉立太子

州蒲以爲君，而會諸侯伐鄭。生立子爲君，此父不父子不子，經因書晉侯其惡明。噴氏助

曰：若然，失禮之甚，經當有貶，既無貶文，蓋傳妄也。鄭子罕賂以襄鐘。子罕，穆公子。襄鐘，鄭襄公之廟鐘。

子然盟于脩澤，子駟爲質。子然，子駟皆穆公子。榮陽卷縣東有脩武亭。卷音權。亭在河南開

封府原武縣北。辛巳，鄭伯歸。鄭伯歸不書，鄭不告入。

○晉侯夢大厲，被髮及地，搏膺而踊，曰：殺余孫不

義。厲，鬼也。趙氏之先祖也。八年，晉侯殺趙同、趙括，故怒。被皮寄反。搏音博。余得請於帝矣。壞大門，

及寢門而入，公懼，入于室，又壞戶，公覺，召桑田巫

桑田，晉邑。巫言如夢。巫云：鬼怒如公所夢。公曰：何如？曰：不食新矣。言公不得

及食新麥公疾病求醫于秦秦伯使醫緩為之緩醫名為猶治也

未至公夢疾為二豎子曰彼良醫也懼傷我焉逃

之其一曰居盲之上膏之下若我何盲聾也心下為膏○盲音荒醫

至曰疾不可為也在盲之上膏之下攻之不可達

之不及藥不至焉不可為也達針公曰良醫也厚為

之禮而歸之六月丙午晉侯欲麥周六月今四月麥始熟使甸人

獻麥甸人主為公田者饋人為之召桑田巫示而殺之將食

張如廁陷而卒張腹滿也張去聲小臣有晨夢負公以登天

及日中負晉侯出諸廁遂以為殉傳言巫以明術見殺小臣以言夢自禍

○鄭伯討立君者。戊申殺叔申。叔禽叔禽叔申弟。君子曰

忠爲令德。非其人猶不可。况不令乎。言叔申爲忠。不得其人。還害身。

○秋。公如晉。謂弟非禮。晉人止公。使送葬。於是糴棧未反。

是春晉使糴棧。至楚結成晉。謂魯。於楚故留公。須糴棧還。驗其虛實。冬。葬晉景公。公送葬。諸侯

莫在。魯人辱之。故不書諱之也。諱不書。晉葬也。

春秋左傳杜注卷第十二